

قصصات ساخره
مقتل اللوماف
تعليل اللوماف المصري

كريم محمد

حقناً للدماغ

تحليل الدماغ المصري

كريم محمد

جميع الحقوق محفوظة ©مجتمع حروف

www.7roof.com

حقناً للدماغ : تحليل الدماغ المصري

المؤلف : كريم محمد

Airmaster2011@hotmail.com

تصميم الغلاف : محمد سعد

نشر في : مايو 2014

إهداء

إلي أبي و أمي ..

إلي أية و يا سمين و أحمد ..

إلي د.أحمد خالد توفيق و عمر طاهر و أحمد مراد ..

إلي الدماغ المصرية الأصيلة ..


مقدمة

أکید سمعت فی التلیفزیون جملة "حقناً للدماغ" بمعنی الحفاظ علی الدماء و عدم إراققتها ، فی الکتاب دة هناعول نحافظ علی الدماغ المصریة و نحلها تحلیل دقیق ، یمكن نفهم اللی بی دور جواها ..


المؤلف

ع البركة...


* في مصر و بس .. الميت بيتقال عليه مرحوم من قبل ما يتدفن .. و الممثل بيتقال عليه نجم من قبل ما فيلمة الأول يتعرض .. و التلميذ بيتقال عليه فاشل من قبل ما تطلع النتيجة ..




* في مصر و بس .. لكل مواطن مصري .. 100 موظف
بينكدوا عليه ..




* الشعب المصري هو الوحيد اللي بيخس محلات وسط
البلد عشان يقعد في التكييف




* الشعب المصري هو الوحيد اللي بيطلع من باب النزول
و بينزل من باب الطلوع في الأتوبيس




* الشعب المصري هو الوحيد اللي عمل رهن للحاجة
الساقعة




* الشعب المصري هو الوحيد اللي لما يشتري جرنال ما
ياخدش اللي ع الوش ، بياخد اللي بعدية علي طول




* الجنسية المصرية بتتيح لك تزور أماكن عمرك يا
شفتها قبل كدة (قانون الطوارئ)




* لأنك مصري .. محدش هيسألك أنت لية تخين و دمك
خفيف ، لأن اللي بنا مصر كان في الأصل حلواني




* مجلة ميكي بقت ب5 جنية .. رايحة علي فين يا بلد ؟




* سبب تسمية محطة (الشهداء) بهذا الأسم هو أن أي
حد يركب المترو يبقي رايح يستشهد أساساً




* مقدمة برنامج+بتلبس عريان+فلوس كثير+عيال
فراهير+كام كاميرا= برنامج إكتشاف مواهب




* و نخص بالشكر (أما نعيمة) لمشاركتها في الدستور و
خصوصاً لأنها قالت (نعمين)




* طول عمري نفسي أشوف الواد اللي رقم جلوسه (1)




* المواطن المصري الوحيد اللي بيشرّب حشيش طول
اليوم .. الصبح يقول لك: إسطبّاحة ، الظهر يقول لك :
حاجة تنسينا الزحمة .. المغرب يقول لك: نحبس بقي بعد
الغداء ، بالليل يقول لك: حشيش السهرة الصباحي .




* أي شاب مصري نفسه يطلع دكتور أو مهندس يبقي
حاطط في دماغه كلية ثانية إحطياتي عشان لو
مجموعة ماجبش طب أو هندسة و غالباً في الآخر
بيخس الكلية الإحتياطي .




* محمد حسنين هيكل عاصر أكثر من 4 رؤساء .. لدرجة
أنوا لما يقول <<زماان>> يبقي قصدوا من 200 سنة




* سيد درويش ما كانش هيعمل أغنية شد الحزام علي
وسطك لو كان معانا دلوقتي و عرف أن سعر الحزام
الجلد وصل ل 50 جنية




* الواحد لما يبذاكر مادة التربية الوطنية يعرف قد إية
البلد دي علي نياتها ..




* هناك قاعدة واحدة لكي تكون ممثل أفلام كوميدي في مصر .. كن أبلّة.




* المفروض يعملوا سحب علي أرقام الجلوس ، اللي
يختاروا رقم جلوسه ياخذ إمتحانين هدية من إمتحاناته




* في مصر فقط ، الأغاني الوطنية أكثر من المشاريع
اللي في البلد




* أذكى رجل في العالم .. رجل ميت (خدّها من أصيرها)




* ساعات لما بسأل نفسي إية أكثر مكان فية نفاق ...
بفتكر موضوع التعبير و إحنا صغيريين بتاع حب مصر.



* إية علاقة كلمة (نعيماً) بالحلاقة !؟




* الإعلام بيتعامل مع الشعب بمنطق تعامل الجزار مع الكلاب (أرمى لهم عظمة يتلهاوا فيها)




* خبر: فتوي برهامي تؤكد أن البوس مش زنا.


-يعني أتفرج علي فيلم قبلات مسروقة عادي يا مولانا؟




* المثل يقول : إن كبر إبنك خاوية .
يعني أحضرة جن مثلاً و لا أعمل إية .




* بعد ما الإمتحان إتصحح و كل واحد خد ورقته تاني ..
لقيت المستر كاتب لي (خلي بالك من الإسبيلينج) ..
المفاجأة أنوا كان كاتب كلمة (إسبيلينج) غلط




* نفسي في يوم لو كتبت رواية كسرت الدنيا ماتنزلش
كمقرر في المناهج




* أعمل مقلب في صاحبك أبعث لة رسالة مكتوب فيها)
شد حيلك كدة و البقية في حياتك أنا لسة عارف أن
الرسالة غير مكتملة)




* كل حاجة في البلد دي غالية إلا روح النبي آدم




* أنسي أي حرف أتعلمتوا في المدارس ، لأن المدرسين
اللي كانوا بيدرسوك كانوا فاكرين النسكافية شاي بلبن




* قابل أي إبتسامة من زوجتك بتكشيرة ، لأنك كدة كدة
كمان شوية هتكشر لما توريك فاتورة المياة و الكهرباء




* إلي كل اللي كان عايز يخش كلية طب و نقص نص
درجة ودخل طب بيطري .. شد حيلك




* الزوجة زي العربية ال 128 .. لو أهملتها .. ممكن تعملها
معاك !




* واحد صاحبي علي تويتر ماباحبوش كان عاملي (فولو) حبيت في يوم قلت لة حصل (أب ديت) لتويتر قال لي أنزلة إزاي .. قلت لة أفتح الصفحة بتاعتي هتلاقي كلمة (فولوينج) دوس عليها !!
- عذراً لكتابة الكلمات الإنجليزية عربي ، بس دي لغتنا و لازم نعملها دعاية و كدة-




* تصدق أن الإنترنت طلع عشان يقربنا من بعض مش
عشان صحابي يقولوا لي تعالا نعمل عيد ميلادك مباشر
علي (جوجل +) !!




* في العجلة السلامة و في التآني زنتقة ع المحور




* الجار الرذل المتطفل اللي بيراقب أهل البيت و هما
داخليين خارجيين ممكن تستخدموا ككلب حراسة لو
حرامي فكر يسرق البيت !!



* جارك الرذل ربنا باعتهولك عشان تكفر عن ذنوبك ..



* هستفاد إية لما أعر ف أن الإسكندر الأكبر وقف
بالموكب بتاعة عند رأس الرجاء الصالح عشان يدفع
فتورة النت يوم 15 يونيو 675 ق.م الساعة 3 العصر؟





الكاتب

كريم محمد أحمد ، مواليد
1997 ، كاتب ساخر ..

نشرة :

- هاشتاج (كتاب إلكتروني
فشل فشل التنين)

-قصص بعنوان "سحس حظة كلة نحس" في مجلة
مصري الإلكترونية

تنشرة قصص و مقالات علي موقع حروف

www.7r oof . com

لينكات

صفحة الكتاب علي جودريديز

<https://www.goodreads.com/book/show/22303766>

صفحة المؤلف علي فيسبوك

<https://www.facebook.com/elsenarest.karim>